

鉅  
水  
齋  
詩  
集

餅水齋詩集卷二

大興舒位立人

疆圉協洽

古劔篇贈人

稜稜匣中劔揮手落秋雪窮市今酸辛荒原昔嗚咽不知三尺水誰鑄六州鐵殺氣開土花中有古人血贈君報恩子錦帶壓寶玦夜半忽有聲雌雄雙決絕毋乃飛將軍翻身入虎穴霍霍磨天風慘澹橫白蜺歸封狼居胥鬪髓血猶熱功名在身前未信寶刀折請歌從軍行酒酣可以別

題峽蝶圖

讀徧南華悔已遲草熏花落惜芳時新愁昌祐圖中見舊事羅浮夢裏知寄處有人傳綵筆飛來合得傍瓊枝何當繡箔

春風卷長定相逢是笛師

誦清姊丈贈裘

鶴氅貂褸不趁身年年短褐走風塵未勞錦段遺爲詠猶見  
綈袍戀此貧夜永燈檠容我坐歲寒霜雪與渠親縱教吹徧  
鄒陽律肯貫春旗作酒人

錄別

關山何蒼蒼縣巨勢無已我行逼炎燄中夜戒行李酒所唱  
驪駒拔劍可以起何處江南情烟水一千里搖鞭計遠程客  
至秋深矣

我生本飄蕩所得惟別離惘惘可憐色縣縣無絕期今日樽  
酒熱明日誰與持努力期後會寧知在幾時浮雲冒六合從  
此長相思

西風吹短亭楊柳一夜老淒涼種樹書攀折苦不早長笛十  
六椽聲情爲顛倒春光怨玉關但有歸家好莽莽睇天涯何  
處無芳草

宿雨消層嵐朝曦澹遙樹鞭絲帽影中一往無尋處引領見  
紅塵況瘁愁僕御殷勤雙車輪及此蕭晨去應有山中人慵  
眠夢清曙

盧溝

臥聞車馬聲已知遠行客開門見西山一咲東方白言辭  
店鐙詰朝理輕策睥睨列女牆參差度官驛長橋橫澗流秋  
氣上龍脊崧螻何嶙峋闕干鬪文石可憐一水間袞袞暗塵  
積天風忽以吹不辨去來迹相顧長征人毋乃利名役流波  
發桑乾逝者誰能惜

琉璃河

琉璃一曲石橋波中酒攀條歲歲過送盡行人還自去道旁  
楊柳已無多

樓桑村

想像空山舉翠華永安宮殿莽天涯飄零一去將軍樹指點  
尋常百姓家繞涿諸毛啖蠻觸同曹三夢亦蝨沙成都入百  
株何處丞相祠堂有暮鴉

雄縣弔周世宗

江陵卜後晉王頌一代干戈駐此間殺氣猶屯契丹國河流  
長繞瓦橋關親從五月揮兵至早見三州納款還淒絕病龍  
臺上望玉書金繳不能攀

趙北口題柳

兩岸平田漾午潮柳枝詞唱十三橋  
竭來亞字闕千裏邀勒  
春光一萬條

思婦樓頭一笛風關山蕩子恨難窮  
世間何物禁離別多在  
倡條冶葉中

覆盎門西萬柳堂揮毫秋色滿衣裳  
恩恩遣唱輕塵句無那  
班駘送陸郎

雞聲

客路三朝趙北行天河一咲汝南傾  
清談絕少窗間趣起舞  
難忘枕上情夜永草堂人未宿秋淒  
茆店月朧明銅壺銀箭  
無消息但聽雞聲是五更

德州曉雨渡衛河

細雨東陵道平明送客船  
夢猶驢背上秋在鴨頭前  
黃帽催

雙槩青箱趁一鞭何如鹿門隱高詠孟公篇

投宿

投宿若爲主田家景物真雨餘具雞黍風起憶鱸蓴來往野  
情熟炎涼天意親更闌添半臂初中薄寒人

高唐州

白紵曾聞子夜歌高唐人去隔秋河中年絲竹知音少下里  
風流讀曲多燕趙酒徒狂似昔陽臺神女夢應訛殷勤半面  
琵琶語銀甲根根柰爾何

東阿城下作

建安人物不同時行盡山阿覺路歧封建已成桐葉戲嫌疑  
難感豆萁詩酒邊走馬思年少波上驚鴻赴夢遲惆悵十三  
行字裏一生贏得是相思

漢祚茫茫等劫灰西陵疑土亦成堆如何天下三分業不及  
君王八斗才風雅祇餘賓客盛奸雄還爲父兄哀一般濁世  
佳公子醅酒妖姬得幾回

舊縣西楚霸王墓

風聲夜起將軍樹四面山河圍不住美人楚舞君楚歌烏騶  
不逝烏江波可憐當日鴻門會地戶天關玉斗碎五色誰占  
天子氣一江已注英雄淚故鄉雖好無時還沐猴而冠殊等  
閒卷土重來惜揮手渡江再見良羞顏穀城山前望行路斷  
碣猶題楚王墓是耶非耶邱壠平荒煙蔓草愁人情君不見  
驪山魂斷宮車出泉下魚鱉照枯骨又不見漢家陵闕莽蕭  
蕭西風落日颺颺號紛紛蛇鹿同淒絕匿魄收魂古離別知  
誰士壘與王頭雨打秋墳野花血



項王墓下弔美人虞

亂山埋骨隔青春，曾對宮娥淚滿巾。  
昨日玉魚難耐葬當年，鐵騎憶橫陳。  
大江終古惟流水，香草前身是美人。  
誰遣龍門成謗史，不將彤管紀歌塵。

穀城山懷古

手出奇書圯上傳，英雄容易遇神仙。  
赤松子宅游千仞，倉海君椎直一錢。  
此地青山橫作黛，向來黃石化何年。  
旁人漫擬陰符術，論定秦時避世賢。

銅城驛店對雨與張尚之

炯秀才夜話題壁

張時將之揚州

一雨辭殘夏，淹留感歲時。  
鐙搖山館話，棹遠水鄉期。  
白鳥投林杳，青驪伏櫪悲。  
真成行不得，多謝鷓鴣詞。

十日九逢雨，遠人行寂寥。  
經時泥滑滑，薄暮車遙遙。  
鐙火且

須任風塵亦漸消自看魚蟹眼清味出茶寮

擊筑誰求馬吹簫憶放螢柳從今夜短山到隔江青舊雨開樽待涼風倚枕聽起看雪色壁眷眷記曾經

既至濟上易車而舟時吏方捕民車以應官需御者苦其役乃以酒飲逆旅主人醉棄車牽馬而宵遁焉余固知之而不以言且爲詩以送之并題主人之壁

開道星輶出使尊後車還要萬雲屯  
轆轤惆悵知難轉夜半銜枚過縣門

人外秋原雨濕鞵車輪四角渺天涯  
重來馬齒應加長難向

青山覓敝帷

三馬斃其一

擁蓋洋洋事已殊隻輪無反舍車徒還家定有妻  
孥唉若箇思量薦大夫

執鞭求富爾何人我自扁舟間水濱酒醒不知馬幾足他年  
紅袖拂詩塵

濟州道中七夕

洞簫遙裔叩紅舷續得齊諧記一篇  
月子彎彎秋有信星辰落落夜無邊  
別離不作可憐色昏嫁真成未了緣  
失咲南飛烏鵲尾爲誰辛苦又今年

通詞何處託微波乞巧分明隔絳河  
豈有牽牛咲妃子祇應顧兔悔嫦娥  
紅牆翦水船雙槳白石支機錦一梭  
莫恠青天如碧海淚痕鉛瀉此中多

守牖

夢覺忽俯馮夷宮眼前雪浪翻秋風  
黃河九折石八字舳舻銜尾來其中  
平生浪跡在湖海意氣竊愛陳元龍  
布帆如席

不可卷滄州咲傲開心胸胡爲鬱鬱久居此橫波一寸難相  
容水處非舟陸非屋三朝三暮溝西東鯉魚飄揚豈不利土  
牛突兀將毋同一水盈盈隔三版雙星應咲詩人窮瓜皮之  
艇小於葉推篷夜臥如張弓舵樓人靜月華白浮橋亘亘橫  
長虹

放牖

津吏伐鼓聲橐橐舟下金門水飛落紛如駿馬拂寶鞭沛若  
巨魚縱大壑洄流卻聽梢公呼高臥仍思估客樂一宿金山  
會有期千里江陵殊不惡經時逼仄行路難公無渡河愁寂  
寞忽然一咲大江橫自在中流垂六幕乃知行止各有時人  
厄天窮兩非虐此行豈必爲香鱸欲去無端彈別鶴何處關  
門橫索錢曲棖闌干水邊閣恩恩回首謝薨官風利居然不

得泊

渡河謁碧霞元君廟

枕水琳宮祀碧霞靈旗風峭卷神鴉萬方儀態真妃籙四姓  
聲名太帝家滄海橫流將進酒黃河遠上待乘查誰憐繫纜  
題詩客南北茫茫未有涯

淮安舟次逢故人入都者紀別口占

當年攀折柳陰濃別後春殘樹幾重聞道飛花入江海綠萍  
靡靡又相逢

北轍南船兩路遙鬢絲無恙酒痕消漁燈不翦西窗雨江岸  
玲瓏唱早潮

淮上夜行

宵靜息萬慮水宿方晏然篙師夢相語起棹烟中船柔艣弄

軋軋素波流涓涓推篷數淮樹月落聞秋蟬

禹王臺

秋風吹上禹王臺  
桐柏胎簪萬馬來  
太華誰當巨靈擘  
河源不待使星回  
全驅惟物煙波老  
獨闢神功俎豆開  
欲注圖經傳岳瀆  
石鐘猶陋酈元才

淮陰釣臺懷古

魚龍寂寞釣臺低  
一去王孫草自萋  
難遣狂奴歸大澤  
終令尚父出磻谿  
兵銷垓下烹功狗  
纍起宮中啄野雞  
莫唱烟波釣徒曲  
竹竿嫋嫋水東西

白馬湖訪陳琳墓

四州飛檄拓風雲  
能使司空破膽聞  
時運蒼涼常作客  
文章慷慨欲從軍  
但逢袁紹非知己  
直到溫歧始憶君  
醉酒射陽

湖畔路秋詩愁唱鮑家墳

高郵道中

樓臺燈火無邊夜河漢衣裳別樣秋紅蕩香中人北至青蘋  
聲未水東流買來孤艇隨風泊乞與疎簾待月鉤三十六陂  
吹笛去舟人指點古秦郵

露筋祠

秋水初平碧一隄女郎詩向壁閒題儂歌顏色蔣三妹野史  
香烟杜十姨夢斷爲雲蓋故岫愁來行路泣深闈殷雷聲裏  
揚舡暮湖上蓮花開濁泥

夜抵瓜洲

月落瓜步煙兩岸潮初靜孤舫暗中來艣聲柔可聽始憐露  
氣滋未訝風力橫流人唱水調輟棹動清興背船一鳥飛汀

渚赴遙暝颯颯蘆荻開沙山凡幾稜誰報隔江鐘人語三山醒

渡江

鷓鴣自南飛鴻雁自北翔黃鵠之舉一千里翩然乘風窺大江蓬萊弱水不可到清風半帆剛一咲東坡居士登絕頂蘇門先生發長嘯絕頂長嘯可奈何妙高臺上浮雲多賦命窮薄亦何有但見魚龍出沒千頃之洪波是時落月滿揚子依稀隱現金山寺紅船忽送入江濱此身已作江南人

京口書寄尙之

江海青蒼處飄然一葉舟思君令人老作客幾時休潮暗西津渡山橫北固樓昨宵攜手地鼓吹是揚州

畫壁旗亭杳迴驪驛路分濕螢隨雨散涼雁逼秋聞扇影淮



南月鐘聲海上雲紅牋方便字拈韻寄同羣

楓橋

冷落迴塘欲暮時  
峭帆婀娜去何之  
數行鴻雁書來少  
一段風烟客到遲  
關吏尙嫌愁未稅  
榜人惟有夢相知  
偶然漁火江楓地  
記得寒山寺裏詩

胥門懷古

帝上簫聲太等閒  
鴟夷不悔屬鏤歌  
詞惆悵身棲曲  
霸氣消沉虎踞山  
一自扶睛看敵入  
幾忘傷指喪師還  
不堪楊柳東門路  
潮打空城碧玉環

山塘與朱二秀才棠話舊

嶺外吾曾到江東  
君始歸十年人漸老  
萬里事全非及此同  
情話誰能共息機  
夜闌如夢寐又唱鷓鴣飛

寄題靈巖響屨廊

恩幸無端近玉鉤，鑿空消息易生愁。  
行歌宮井青梧老，讀曲谿山白紵秋。  
能著平生幾兩屐，忽回天地一扁舟。  
不知到底還成錯，別有蓮花映雉頭。

秋夜集松南草堂贈主人戴文學坡竝和唐六稚川

看花情緒最宜秋，又續春來未了愁。  
但有主賓俱不俗，便無雞黍亦堪留。  
暮香籬落風吹樹，夜影簾櫳月上鉤。  
此是昔賢棲隱地，一涇清水繞塘流。  
宋推官陳舜俞故里在清風涇

年時不到松南屋，親串天涯夢未孤。  
身帽沾塵幾城市，白衣搖颺忽江湖。  
山中桂樹留逋客，洞口桃花認釣徒。  
好在君家采芝室，十年消息記曾無。

花裏人家水上籬，水聲花氣不相離。  
白駒永夕中心好，紫蟹

深秋左手持三客傳香清到骨一時泥飲漏如卮輪渠十六  
西園集背立雲鬢有侍兒

落落長松數點仙蕉迷菊隱不知年催租人去償詩債載麴  
車過賜酒泉蘿徑笛聲吹月坐藤牀秋色借雲眠微吟應有  
花神覺寫向風幡當擘箋

梅仙圖

東風澹蕩羅浮邨玉鱗霏霏遷客魂何處參橫與月落翠袖  
天寒倚孤鶴來從姑射歷九疑前身與花無是非夜喚花魂  
伴花骨花影人身共明月空山春寒深復深霜媒雪友無人  
尋回看桃李媚芳序金光駐頰空沉吟沉吟攘皓腕宛轉削  
香肩風飄紫霞佩月映翠雲鈿雲鈿霞佩千秋妙小影分明  
箇人貌含情不語坐花中銀海迴瀾作濃咲我向百花洲上

行看花誰復記花名花開處處珠簾軸花落年年玉笛聲珠  
簾玉笛愁無數神仙中人等閒度鐵石心腸繞指柔爲君重  
作梅花賦

重九日作

駸駸六轡歲華遷秋老江鄉又可憐細雨獨聽楓葉外嫩寒  
初試菊花前紅鱗書斷微波隔綠蟻樽空醉夢懸欲插茱萸  
無伴侶西風高會是何年

鬪蟋蟀行

開月城臨高臺陣雲片片紅玫瑰霹靂一聲玉龍舞從天飛  
下將軍來將軍來奈何許邯鄲之蝨口中語背城借一慘不  
驕雙翅梅花落香雨君不見蝸牛之角觸與蠻左攻右突無  
時還又不見易水之濱蚌與鵝箝啄肉不肯出區區得失

如雞蟲成敗安足觀英雄

沈石田做戴嵩牛圖

春林蒼蒼流薄煙下有百丈清冷淵田家風景得形似柴門  
不正臨谿邊牧人蓑笠唱歌去花蹄得得長繩牽不愁前邨  
暗風兩夕陽欲落山嫣然一牛徙倚出深樹一牛綠趁晴莎  
眠餘有一犢掉其尾飲流觥草行平田今年布穀勸東作禾  
香稻熟稱豐年爾牛來思耳濕濕不須縣吏催租錢風光如  
此自堪畫郭椒丁櫟皆清妍戴嵩之圖不可得摹者神妙秋  
豪顛松南居士久藏弄出示索我題長篇竭來形影歎馳逐  
旋息北轍仍南船風塵大道不暇給青絲絡馬黃金鞭人生  
纏鎖太可咲騎牛騎馬誰者賢何當置身畫中住橫吹鐵笛  
驅烏犍

南湖夜泛

涼颼織層波落月澹湖市夷猶聞棹謳推篷夜深起不見烟  
雨樓濛濛烟雨裏

烏鎮雨夜丁受五

元采

孝廉招食蟹作

商飈浙浙菰蘆摧棹痕劃破雙谿來欸扉絮語日將夕笛牀  
茶籠無纖埃主人留客客竟住漱盥初醲蒲桃酷盤餐草草  
鄙肉食黃蘇白茹誠佳哉就中一味最殊絕琳琅紅背花蕪  
堆煙波釣徒爾何許明鑑秋斲分湖隈草泥郭索貯筠簍攜  
歸侑酒黃金鼎蟛蜞蟻不足數莼絲鱸膾差堪陪紅雲百  
辣滴珠醋老饕染指涎流頰憶昔與君走蕪市烏帽日壓黃  
塵灰春明酒樓高百尺青旗楊柳東風迴酪漿太厚鐵腳小  
反使飢腹如驅雷豈知轉瞬渡江去輕舸直指昭明臺左螯

右杯有如此何必餐玉七十枚蕭齋秋敞下繁漏笑譚爾我  
俱無猜須臾飲滿果鼠腹玉山倒處非人推杯盤狼藉悵錄  
別片雲頭上詩仍催秋江明月不可拾惟聽鳴湍激雨聲喧  
飗

遙夜

遙夜蕭然此泊舟不成去住且勾留鐘魚遠近湖邊寺燈火  
高低水上樓歷盡炎涼人不見聽殘鴻雁客應愁無因飛作  
南塘鳥四面紅窗起棹謳

夜坐聞落葉

葉落應難認故叢四山風雨酒瓢空憑誰溝水東西去流出  
人間一瓣紅

秋聲如此夢難成遙夜涼蟬咽玉笙略記年時春院晚送人

滋味落花聲

井上梧桐有暮鴉門前楊柳不飛花不知碧樹紅泥閣春色  
明年又幾家

著雍沿灘

梅花水

仙山客有自吳門餉此二  
花來者因紀其事

春船一笑送花來四陌紅橋昨夜開  
便喚替梅是兄弟故應桃李作輿臺

翠羽飛還近酒家朱陵玉笛渺天涯  
參橫月落誰惆悵瞥見閩門萼綠華

鄂君繡被舟中夜湘瑟神弦江上峰  
腸斷蘇州女兒曲明珠

一串負情儂

金任詢詩蘇州  
女兒嫩如水

種作寒花迴不羣吟殘春恨杳難分  
十年綺語三錢筆書破



雙鬟白練裙

錢武肅王祠

領取湖山付子孫，霸才瀟灑拓金樽。  
錦衣誰賜將軍樹，鐵券仍開節度門。  
警枕兩頭龍不睡，強弓一手淚無痕。  
分明香火因緣地，合有神叢解報恩。

青鎮梁昭明讀書臺懷古

我昔江都遊，欲登文選樓。  
烟莎月笛發，浩唱長江之。  
水東西流，昨從雙谿來，仍尋讀書臺。  
東宮三萬羽，陵墓惟有石徑長。  
林開元瑜初降，穎胄死襄陽。  
城中慶長子，雅耽文藝樂。  
讌遊腰帶十圍善，容止後來陳隋擅。  
詞藻花月春，江安足齒蓬萊。  
文章建安骨，五官八斗差。  
堪擬雕文小，舸波粼粼酒酣化。  
作芙蓉雲昭王南征，乃不復銅鞮。  
秋衾愁殺人，愁殺人奈何許。

高樓既已荒，層臺復爲宇。君不聞松篁夜夜吟，風雨還似維摩讀書處。

蔡文姬塞外圖

絕塞刀鐮夢，春風識畫圖。關前折楊柳，山上采薜蘿。隱隱千烽戍，蒼蒼萬里孤。胡笳凡幾拍，爛漫看諸雛。旁有二子一吹笛一熟睡淪落才應累，蕭條感易成。蛾眉如可贖，馬角不須生。豈抵錦車使，終憐破鏡情。風沙甌脫遠，惆悵寫傾城。

雨夜唐氏南軒作寄別受五

東風已破雙谿春，玉梅花開清絕塵。我來信宿此花下，撲簾香雨初懷人。君家記在谿橋出，遙夜微波何處綠。相從蕩棹叩花關，不惜當筵翦蘭燭。邇來歡會不可尋，望舒羲馭淒我心。聽鶯雙耳春樹晚，持螯左手秋堂深。我歌君聽愁不止，青

泥一夜占楓子明朝卻掉蜻蛉舟淄淄寒雲壓春水

中復堂雪夜用東坡北臺韻同稚川作

天花初散手纖纖白戰曾傳號令嚴疑陣破除惟有酒偏師  
刻劃到無鹽空山一曲風吹樹老屋三弓月墮簷莫訝酸寒  
成骨相待揜雙袖試茶尖

杯纔浮蟻墨塗鴉腸斷無端似轉車深院圖成誤蕉葉閉門  
夢好閉梅花拈來險韻誰題壁受盡寒威我憶家明日谿頭  
掉船去十分春色上魚叉

舟行

舟行三十里幽意與誰俱歸去行行雁飛來泛泛鳧一年拋  
歲月強半在江湖之子渺難見寒風吹舊株

蒼生小印歌爲陳涇南秀才

棧

作印是青田凍石鈿關  
女子韓約素製朱文

稍生二字涇南  
遊黃山時所得

君不見秦淮美人怨芳草夕陽勾染紅蘭葉雲袖低擲出一  
枝鴛鴦小篆安排早梁姬壓腕百八珠韓爲梁  
千秋妾金刀切玉玉  
不如芙蓉齋頭橫素練香痕石罅胭脂滯匆匆流水青山夢  
陽羨書生彈別鳳玉棺珠冢愁烟塵三庭不佩青城人祖塋  
博物尤古嗜微狎春衣愛遊戲花乳還從黃海收沉香不共  
烏員瘞可憐往事雪泥鴻鈿開看樓空復空人前道卻橫波  
字春印纖纖一捻紅

春夜聽雨偶成

會散靈山一咲期諸天花雨已多時春餘芳訊青鍾斷夜半  
遙情白鶴知歸去定愁泥滑滑夢來應有鬢絲絲若爲翦向  
西窗燭細寫當年寄北詩

楊柳和稚川韻

一去將軍樹三年少婦橋春波天際遠朝雨笛中消古道黃  
驄曲空聞翠鳳翹何因攀折苦瘦到沈郎腰

題稚川失釵詩後

甲帳辛房錦繡圍酒醒釵影渺依稀四枝鬢重雲初溜六曲  
屏深月尙輝白燕歸時愁趙后紺龍化去訝屠妃挂冠正要  
重相見香徑泥銷峽蝶飛

河東妝鏡曲

紫珍一去神仙境銅片摩挲綠香冷應作當年如是觀莫教  
照見靡蕪影細數華年青鏡開垂虹亭下水東回將隨一舸  
鳴夷去不爲三秋鱸膾來心知繡虎陳王系青粉牆頭咲含  
啼可憐南入是男兒那識延年有女弟香塵頰洞緝雲詞天

竺初牽宛轉絲曾從秋水芙蓉舫唱徧春風楊柳枝此時妝  
匣都梁燒去 鶯萼脣朱疲屢照銀帶分明出魏宮玉臺取次  
憐溫嶠早聞仙姥好樓居錦檻香臺接太虛薄怒犀枰棋正  
劫吹春螺椀酒猶餘一朝梓樹黃羊見破鏡飛天樂昌怨花  
落江南紅豆邨雨荒東澗青槐院青槐紅豆奈情何荷暗無  
光豈足磨秋娘老去朱顏改江令歸來白髮多朝絲暮雪愁  
何處檢與神方教景駐恨殺揚州百鍊銅當時一錯真難鑄  
笑態啼痕春復秋鸞吡鳳靡綠珠樓碧仙瘞土三生恨金背  
銘詩五字愁青衫司馬傳觀徧鄭三雲通守拓鏡背徵詩粉錫磨旃再相  
見花影參差雪滿頭苔痕斑駁雲生面卻望章臺濕翠衣沾  
泥柳絮思依依鈿斂繡屣不知處了了月明孤鵲飛

紙鸞篇

杏花深巷春泥消粥香餠白聞吹簫東風裊裊二十四已有  
年少相招邀雲峯煙隰春衫影欲取長繩繫韶景此時韶景  
安可知低昂高下隨羣兒兒呼拍手歡無極仰面看天齊著  
力鵬鵬化去未可期鶯燕飛來似相識浮雲浩浩風稜稜太  
虛一點高一層初疑翩翩下黃鵠又若搏擊呼蒼鷹雕陵烏  
鵲不得意銀潢日夕思迴騰微矰織繳豈知數看爾白日能  
飛昇飛昇畢竟難與說隱隱紅鐙夜深滅銀竹生愁細雨多  
青蘋復恐微颺絕孤鴻何處怨飄零病鶴誰家舞蹙蹙別有  
風絃漢殿箏宮商一線遙嗚咽

雜諷五首呈唐蒼翁先生

陽文不世出敦洽夸嫺美登徒既好色焉知疥且痔勃屑聊  
可娛蘭麝非所喜寵極忘其瑕照耀出鄰里此時西家輦臨

流浣紗起

叢蘭媚巖阿天致本綽約惜此無人芳紛紛自開落名園競  
春卉疎皋隕秋穉節物有榮敗可恃惟寂寞昧然者誰子方  
當治錢鏹

文麟來九真威鳳奮五色以之司晨昏不敵雞犬力憶當在  
郊極祥徵頌家國驅使違所長時乖效乃嗇何如歸飛鴻冥  
冥毋篡弋

殘月不到地孤雲不歸山人生無根柢翩忽安足開客有金  
光草可以澤容顏願言持贈我飛颺絕塵寰終疑翹萍實卻  
之掩松關

烈火雖燎原不能焚遠愁巨刃或摩天不能割長流深意望  
隆古浩歌凌齊州悲歡變終始我心淒以秋寄聲同志侶一



曲彈箜篌

書壯悔堂文集後

梁園賓客杳難追一卷名山欲付誰南部烟花歌伎扇東林  
姓氏黨人碑平原試望江淹恨故國深知宋玉悲公子世家  
文苑傳斯人一出竟何爲

花落

花落江邨晚蕭條鶯燕羣紅塵三月雨絲漲一谿雲人語匆  
匆別儂歌緩緩聞憑誰化雙蝶飛上鬱金裙

春夜樓上聽鄰人吹笛

細漏丁冬換夕香玉梯凝絕月昏黃無端一曲風吹近我是  
聞歌桓野王

紅椒青粉一層花入破遙傳碧玉家驚起畫梁雙燕子數聲

縹渺卽天涯

井

欲汲寒漿去青絲上下多點鐙曾不到瀉酒欲如何桐葉秋  
牀影桃華露瓦波迢迢夜參半腸斷井泥歌

過葉大晉卿書齋不值因題其壁

壁有古琴

柴扉小石林迢遞掩春陰乍蠟阮公屐誰彈昭氏琴不知門  
外水何處最深薄暮月初上思君空此心

鳩

槭槭青林細雨殘雄飛雌伏冷相看此心終爲陰晴變咲殺  
鴛鴦雙井欄

鶯

玉梭珠串太丁甯夢斷遼西未忍聽一夜櫻桃簾外雨阿誰

收卻護花鈴

燕

海山縹緲白雲低來去匆忙苦憶泥隔是年年巢幕上雕梁  
何處有雙棲

蝶

紅粉樓頭春已深青陵臺畔杳難尋  
花開花落關何事只取東風一片心

蜂

花糧露酒兩衙寬贏得前身是蜜官  
閒殺蜻蜓釣絲上清風六翻飽猶難

雪珠

雲陽先生檄龍去玉鱗十萬齊趨扶  
手挈天瓢恣飛灑陰陽

縱閉春模糊潛泉黑蛭躍狡獪浮波朱鼈占溝澗瑤娥縹緲  
掩明鏡玉女絳繚披華裾雕雷屑雲不得息歎風欲霧形難  
圖杏花微紅起宿燕柳條慘綠驚栖身繚繞千絲織平野浩  
瀚萬頃流長湖忽然琤琮一片落虛白青鏡四壁詩腸枯始  
疑清聲碎鐵馬又若繁漏催銅壺不然蒲半古剝九乳吼金  
纍五色空山呼豈知三十六天玉盤裏參差錯落大小驪龍  
珠令我忽憶南畝之農夫黃蓑綠笠紛耰鋤平田漠漠播牟  
麥崇墉櫛櫛思黍稌叱牛窮巷勞牧豎養蠶閭屋愁小姑長  
晴不雨那可得要使肢體沾泥塗况復鴉嬾咒豐歲蒼翠且  
欲輸官租東坡喜雨漫作記申豐對雹良非誣會須不鳴不  
破祥瑞符卿烟榮露無時無遲爾甘霖三日蒼生蘇雪珠雪  
珠何爲乎君不見雨珠不得以爲禱

留別學坡姊丈

記得聽鶯處松南舊草堂  
典衣杜陵醉吹屐阮孚忙  
卽事尋芝室懷人過薜塘  
東風無意緒歸路易蒼茫

清水涇邊路春來此重經  
草心風上綠花眼雨中青  
雅集思樽月幽棲感鬢星  
他年見安道殘雪剡川舲

答懷稚川吳門竝詆石頭巷故居

錦囊詩憶閉門成  
繡被香隨擊楫行  
爨下孤桐猶未絕  
匣中雙劍已先鳴  
共知玉局彈碁事  
莫辨銀牀瀉酒聲  
隱隱鄧侯山外路  
笛梅零落喚愁生

回首吳儂小住時  
十年淪謫得歸遲  
夕陽難問烏衣巷  
暮雨惟聞白紵詞  
蕭寺鐘殘山悄悄  
橫塘舟泊水差差  
夢中更乞江淹筆  
選恨抽離共此詩

賦得落花橋留別王大松巖

掉船欲向南湖泊一翦微波翠烟削故人家住落花橋不見  
花開見花落花開自有時花落安可知傾脂河上棹歌遠二  
十四番吹鬢絲匆匆攜上河梁手况復人歸落花後關塞風  
雲九日書湖樓烟雨千條柳我吟蕩子曲君結幽人廬明年  
花發春橋上橋下應來雙鯉魚

寄書

曉起思清湘眇眇愁予地美人采芙蓉感此遲暮意吳楚已  
異鄉燕趙復橫術生男不成名但有四方志浮雲在青山行  
役應嗟季三復孟郊詩殷勤書欲寄常恐風雨痕損我平安  
字矧乃多浮沉十未得三四回頭語去鴻中道毋捐棄幾日  
過衡陽拜爾高深誼

陳涇南采珠圖詩

涇南嘗寫洛神爲采珠圖余題百字令一闋初無所指既於金昌畫舫見沈伎雲影則宛然圖者也乃顏其圖曰洛川幻影頃出示索書爲題二絕句於後

種樹思前度凌波得後身春風不相識愁殺弄珠人  
十三行裏尊四百橋頭見書破白練裙舞卻青團扇

茉莉詞

霧縠冰紈換夕妝幾家簾影冑橫塘分明玉燕釵頭見花是  
江南第一香

真孃墓詩

北雪南花太等閒美人一去冷空山誰知化作身千億多在  
紅船六柱閒

歌舞蕭涼怨不勝危巒一角浪千層若爲燒作鴛鴦瓦黃土  
青山兩莫憑

紫蘭香徑愁蘇小青草荒原憶漢妃等是千秋好顏色鳥啼  
花落濕人衣

舟次別稚川

醉和狂歌醒便行中流相送水無情再遲一夕匆匆語唱到  
陽關第四聲

金昌門外好烟波酒盡移船柰若何隔是傷春復傷別不應  
仍著柳絲多

夜泊濟墅

燈火橫塘路開船是別離橋聲人散後月色夜深時飄泊惟  
愁水蒼茫但詠詩關門吹畫角今夜恨來遲



雨中望惠山

泛宅梁鴻谿蒼烟巾孤艇濛濛細雨來山外落帆影疎梵隔  
谿訝歸漁亂笳管何須望夕陽卽此清涼境側聞第二泉高  
瀉雲峰頂安得趙州茶禪寮味石鼎

晴山迎我來雨山送我去白雲本無心來去上山路感此淒  
客懷行行望烟樹百年惜浮生一葦無長住不如留茆菴青  
山有佳處招隱久寂寥冷然遠風暮

舟中題奚鐵生傲黃大癡谿居秋靜圖卷

鎮日扁舟風雨殘經時長路往來難青山滿地無錢買祇向  
奚岡畫裏看

丹陽道中寄懷松南

鳴榔溯長流落月一江白稍覺微風來吟蟬在深碧吹我曉

夢醒懷君采芝宅風景良不殊坐使千里隔衍漾思流年依  
遲怨闌夕前期去復來後會今視昔路長浮雲陰筵晚明星  
惜魂魄尚可銷安論形與迹蘭陵鬱金香今夜誰主客

風雨渡江

風雨下天來飛帆一咲開乍分山樹色忽卷浪花堆江水東  
流去樓船百戰回玉簫吹斷處龍起妙高臺

去年渡江來今年渡江去江北望江南行人渺何處行人歸  
有期江水流無任我將問諸江薄言逢彼怒

玉鈎斜

埋香猶記鬢邊鴉未抵青谿葬麗華清夜西園來殿腳錦帆  
南國卽天涯十圍汴水餘殘柳一畝雷塘有落花便化春魂  
雙燕子阿麼歸去已無家

絕句

昨過燕城風料峭今來鬢社雨霏微幾羣沙鳥背船立一箇  
釣人收網歸

書四絃秋樂府後

送客茫茫月浸波江州司馬恨如何烏絲紅袖丁年集檀板  
金樽子夜歌漫向玉皇誇案吏愁隨織女渡天河當年哨遍  
無知己此是潯陽春夢婆

玉茗才華勝竹枝一聲宛轉迴含思未忘江岸玲瓏唱又遣  
天涯淪落知烏帽春塵三箇夢青衫秋淚四絃絲恨無十五  
雙鬢手彈到鐙涼月白時

欲說

欲說愁鸚鵡將歸託杜鵑星辰猶昨夜風月似三年越客干

絲網齊州九點烟曉寒誰解賦多謝衍波牋

官橋

向晚蕭條一雁風遙天咄咄正書空好山恰在浮雲外野店  
多逢細雨中夢入匡牀無上下愁來歧路有西東不知此地  
杯中物曾照離顏幾箇紅

七夕沂州逆旅戲作

靈媧補天天轉缺精衛塞海海不竭青天碧海橫戾戾倒瀉  
銀潢萬堆雪中有靈匹三千年參媒氏始索聘錢兩點星辰  
一條水欲語不語心茫然如此風波不可渡對影聞聲發遙  
妬未必仙家好別離復恐美人怨遲暮玉皇夜開紅雲居三  
十六天秋色虛金符九道檄飛鵲背毛腹毳來徐徐長橋臥  
波知幾里辛若芻尼供驅使雄虹雌蜺不敢窺祇少紅欄排

雁齒天孫身披無縫衣清風浪浪橋不飛暫詣牽牛驪然咲  
將子無怒秋爲期汝南雞唱層藍曉別淚浮波紅裊裊梁清  
侍側悄無言惟見河心秋月小此時相別不相留此際言愁  
始欲愁人問一年仙一日一日亦已成三秋君不見人間乞  
巧癡無數那知天上相思苦姮娥倚樹罵逢蒙王母偷桃擲  
漢武不如東海看塵揚青廬四面圍紅牆牽牛織女昏嫁畢  
跨鳳驂鸞遊八方

行經泰山有作

天雞夜暈日觀峯橫開四面金芙蓉短衣策蹇曉行客傲然  
竟來瞻岱宗一門南天南一山東海東上有三十六帝日與  
月下有七十二泉雲而風試登絕頂訪太一千秋萬歲何者  
爲始終茫茫兮秦漢鬱鬱者齊魯已無六甲授死生祇叱五

夜發晉鄙符詰朝肅車隊侯羸雖未從朱亥可共載祇此四  
十觔已陋三千輩當年過市中今日出臥內得士良足多震  
主幸自愛翩翩濁世姿錄錄餘子態三窟不可營一杯聊復  
醉匆匆近婦人不進李園妹

漢留侯良

少懷家國怨中運帷幄籌千金結死客萬戶封列侯侯亦不  
可封客亦不可結誰明一片心空掉三寸舌迢迢鼎湖龍啄  
啄未央雉但聞烹蒯通未信封雍齒分難久相保請學長不  
死安知夏黃公非卽赤松子

唐尙父子儀

赤手旋乾坤白髮縱聲色諸將各有功諸孫不相識懷光誠  
虎狼盧杞復鬼蜮承嗣膝若干朝恩口無極兩河方用兵百

徐未稱職老夫耄無爲陛下恩不測雖殊李衡山猶勝顏魯  
國嗚呼新舊書如公豈易得

宋蘄王世忠

樓船乘長風百戰好身手本意抵黃龍庸知變蒼狗側聞丞  
相瞋能令將軍走是謀非所能此事莫須有寧爲阮嗣宗臧  
否絕於口毋爲馬文淵皮革裹其首社稷望旌旗湖山醉花  
柳可憐城下盟不薦雲中守

餅水齋詩集卷二終

餅水齋詩集卷三

大興舒位立

屠維作噩

唐花

今年纔過試鐙風，已有花枝照眼紅。  
隔歲春愁行市上，當筵人影落杯中。  
開時蜂蝶來猶少，夜靜笙歌聽亦空。  
誰遣名園遲氣候，卻教羯鼓喚天公。

雪夜懷稚川

落屋兩頭月，掀簾四面風。  
詩城千騎疾，酒海一船空。  
室夢虛生白，街塵軟壓紅。  
坐愁春爛漫，幾處故人同。

獨遊龍泉寺尋杏花

看花不逢人，但逐流鶯去。  
一路春風香，遙知寺門處。  
紅牆圍



周遭隱約見幾樹入寺禪枝深老僧留客住閒因證蒲團清  
味理茶具徙倚紅白間蜂蝶不知數蜂蝶爲花來花爲蜂蝶  
誤靜中春意鬧暗裏天公怒回首西郊斜暉澹將暮蹶然  
別阿難已忘來時路

新燕

新燕誰能話舊愁別時猶是去年秋南閨錦字仍千里東海  
身衣更九州枳棘詎來鸞鳳宿稻梁空作雁鴻謀銜泥莫謾  
巢君屋幾處珠簾放玉鉤

典裘詩

點檢青箱記昨宵易衣而出太蕭條吾家舊物誰能遣此地  
寒威尚未消曾有鴛鴦雙翦落何來楊柳一旗飄輸他走馬  
蘭臺去雪滿宮門夜賜貂

王恭鶴幣晏嬰裘紫鳳天吳不記秋羞澀忽成垂老別輕肥  
虛憶少年游蛾眉絕塞金誰贖狐腋重關客未偷比似春衣  
杜陵醉兩般滋味一般愁

別去分明抵故人年時冷暖記來真青山策蹇圓天曉紅蠟  
鈔書耐漏頻得句漸知衣帶緩看花惟有帽簷新爲誰中道  
恩情絕拋卻長安十丈塵

紅袖青袍兩不知淒涼質庫且題詩直愁一入深如海空計  
三年遠作期鍼線跡銷無處覓風塵緣盡有時離些些紕縵  
酸寒甚等到水綃霧縠時

四月初七日法源寺看花作

春殘紺字屐聲來要乞狂香泥酒杯可惜今年風力淺好花  
無數不曾開

曲徑斜垣復幾叢卷簾一顧恨難通春塵著眼先愁暗未免  
看來似霧中

數聲清磬野僧飯一院碧陰閒客題日暮更無鶯燕至盡情  
輸與亂鴉啼

題畫牡丹絕句

賞花取次惜花殘富貴神仙事渺漫不及夢中傳彩筆尚能  
留到子孫看

豐臺行

豐宜門外車摩輪紅塵作雨不濕人烟輕風亞買花節氤氳  
爲使芳爲鄰誰何到處稱好事要插身帽鋪青茵黃絲碧股  
紛在眼濁醪清曲時錯陳鈿轡珠被日微逐愛看飛鳥銜香  
巾豈知盈擔唱歌去紅腔載入重城闔張帷欲加九錫寵樂

欄未吝干流銀銅瓶一夜水清淺墜茵落溷難與論花開花  
謝一時耳靜念物理誰爲真麗桃俗李二三月釵梁齊媚晨  
粧新此花晚出雖獨絕已過九十陽之春三十三品種有別  
一百五日留無因天公爛漫殊狡獪美人遲暮良酸辛安得  
揚州萬花會盡酌婪尾沾吾脣春來春去勿復道相與起舞  
隨芳塵

題張子善孝廉芍藥倡和詩後

南西門外卽豐臺繡轂長衢殷晚甯映殺熏香蕭館客題詩  
爭似看花回

九十春光一酒卮吟情豔齋惱花枝朱門日費中人賦但買  
春愁不作詩

鷓鴣畫扇

樓臺花月唱春寒記取樽前行路難拂影乍逢王內史聞名  
先惱鄭都官湘人門巷當秋聽越女衣裳恰畫看欲寄南雲  
舊消息多君懷袖有飛翰

伯父倣唐子畏富春山圖一角命題

桐江詰曲好烟波隱隱青山響權歌纔展谿藤似相識十年  
前向畫中過

疎簾清簟夢初醒下直凝香晝掩屏比似六如三丈卷未妨  
縮本寫蘭亭

冷枝華清新浴圖

落如池上烟波綠阿環承幸驪山足水邊已見麗人行殿角  
仍歌照影曲照影疑從鏡殿還溫泉水膩弄游潏花開陳苑  
臨春閣波繞吳王銷夏灣相從道暑鑿輿度卸砌雕欄裒清

露內園初進叻情花別館惟栽銷恨樹江妃辭去念奴陪遲  
日熏風湯殿開更無紅葉隨波去早見黃裙逐水來須臾起  
舞雙魚鏡綠鬟倭墮紅綃靚趙后仙裙自可留洛如塵韞應  
還勝當時但詔洗凝脂誰賜金錢更洗兒樓中赤鳳來何日  
水底黃虬化有時從此華清水鳴咽延秋門上身嗟微忍看  
驪嶺縣前流化作馬嵬坡下血碧落黃泉夢有無蘭湯第二  
冷宮鳧千年禍水幾傾漢一曲香谿竟沼吳金門畫史冷故自號  
丹青選國子先生藏一卷圖爲宋助教大樽所得浴鳳塵揚碧海空牽  
牛淚落銀河淺

城西贈林海珊同年

鳳城楊柳綠於苔認得門從是處開忽咲此間容我住預愁  
他日別君回文章過夏題無埕裙屐悲秋築有臺也抵出門

西向笑不施行馬苦相猜

詠史二首

南征馬援收兵後北伐劉琨上表初禿髮何曾歸乞伏虬髯  
早已襲扶餘誰憐去國紀侯大遂見登壇小白余略勝山西  
暫妙達但將歌曲換中書

樓船兵氣夜飛揚橫海風雲出戰場河朔終歸唐土地巴西  
初諭漢文章自圖高閣三公貌誰守孤城七日糧欲撰平淮  
金石字捉刀先有段文昌

五代十國讀史絕句三十首

係履歸來汗一身朱三本是碭山民全家作賊偷天下忽有  
投杯捉賊人

廣字編年已去唐公符傳讖竟稱梁少師自愛楊風子上將

可憐王鐵槍

後梁

遂有雕窠獨眼龍生兒亞子果英雄那知別撰伶官傳流水  
聲中一曲終

妝具銀盆入晉陽新磨銅鏡本無光卻除菩薩留生鐵又向  
宮中看射狼

後唐

割取燕雲十六州火光飛上洛陽樓鐵穿石爛匆匆甚紅殺  
僧堂一樹榴

更無十萬劔橫磨可惜陽城一棗駝獨向封邱門外去路旁

紗帽已無多

後晉

不事南朝不北朝紀年改國兩無聊洛陽焚牒緣何事寒食  
難容麥飯澆

二威不死一威生草草匆匆作此行卻受虛名收實禍四年



兩世不分明

後漢

劉子陂前戰血流瓦橋關外路悠悠黃旗裂後黃袍出了卻

梁唐晉漢周

匆匆五代劫灰餘割據紛紛且未渠直到世無長樂老華陰

居士正騎驢

後周

江北楊花唱步虛笛家三孔怨何如匆匆不記廬州釣東海  
青天一鯉魚

十圍官燭淚猶紅難抵金奴馬廐中腸斷丹陽迎奉使更無

三十六英雄

吳

碧落宮開笑女牛南朝天子例無愁不知江上黃花水肯向

銀河一處流

鴛鴦寺主幾時還金屑燒槽譜未刪留得數峰青峭在曲中

猶唱念家山

南唐

玉女初開半面妝  
難營三窟到金牀  
可憐一段琉璃下  
祇有綰山阜莢香

宣華池上月華新  
定子當筵一抹春  
但記官妝成小醉  
酒杯不到絕癡人

前蜀

蟋吟鷓轉自春秋  
四十花城作浪遊  
忽訝征西車馬至  
爲誰風雪賜貂裘

雪香團扇宴摩訶  
玉骨清涼怨綺羅  
解道流年暗中換  
宮詞翻入洞仙歌

後蜀

內殿傳呼女侍中  
紅雲宴散太匆匆  
髮香人夢無尋處  
腸斷花田一畝宮

無復雞人候曉窗  
青春祕戲一王降  
如何瘦燕肥環外  
別有

橫陳大體雙

南漢

晉陽玉座紀年新  
三品黃駟間道塵  
自有一生惆悵事  
雕青天子赤真人

黃蠟封書夜刺閨  
摧殘鐵騎澤州圍  
無因重捉香如意  
城下

三衣肉袒歸

北漢

草風山雨會春圍  
比似江南錦洞天  
觸迓參軍舊歌曲  
齊州九點已如烟

宮衛銀槍細漏分  
夢回猶記鬱金裙  
不愁花謝禪心寂  
自有

西堂一片雲

楚

開門節度閉門王  
一角湖山是故鄉  
卻遣夫差水犀手  
亂潮如雪下錢唐

通宵警枕憶眠時  
身後風流絕妙詞  
一路花開人緩緩  
玉璫

緘札寄相思 吳越

金仙一笑夢中來  
雙樹誰家傍水開  
較可他年三昧宴  
玉缸花雨撲春回

隔著荷花路不通  
回船惟見水屏風  
三郎白馬無消息  
隊隊鴛鴦入鏡中 閩

荆南節度舊名昌  
曾是朱三異姓王  
卻笑當年李天下  
誇人十指太荒唐

一身鶴氅護煙霞  
卜築荆臺小隱家  
老眼不堪東北望  
秋禽啼殺渚宮花 荆南

陸杉石儀轡雨中過  
訪明日作詩寄之  
竝取觀其詩集  
秋堂暮沉沉  
櫺牖無爽塏  
一雨竟三日  
雲氣尙靄黓  
潤礎占非誣  
濯枝勢彌解  
屋漏夜迴牀  
衾綈重甲鎧  
朝來窺瓦花  
濛

濛綠蓓蕾我居西城根頗絕賈囂浼拋殘一卷書桃笙夢黃  
妳招尋尺五天隔絕同九垓忽聞敏門聲門外塵如海騎馬  
似乘船但少歌欸乃入門士龍笑類獲珠百琲交非陰雨棄  
興若琴星璀璨手捉黃塵尾談詩縱闔捩狂言驚腐儒元氣訴  
眞宰論古殊落落起予亦每每我詩溝澮盈其涸立可待何  
當決江河淵源自深灌聞君篋衍多魚箋綴蠅楷中有詩千  
篇芳飈動蘭茝俾來借一瓩庶以慰渴餒口角或流涎牙後  
可拾慧但求識籓籬焉敢營壁壘歸璧終有期求金幸無罪  
不然良賈藏秘惜無人買一朝點晴飛風雨君勿悔

宋謝文節公橋亭卜硯歌

卜硯集云硯歛材修九寸七分廣五寸六分額篆橋  
亭卜卦硯五字面左右有元集賢學士程文海銘背

有明永樂間閩人趙元識搆地得硯之由

團湖坪三寸鑄建陽帝一片石更無鸚鵡好紋留應作蟾蜍  
清淚滴自從歷劫厓山麓坑雲五色無人刷荆棘難尋祕閣  
頑泥塗何況橋亭卜不怨魏行省但咲留承旨無勞程集賢  
猶有趙處士始知神物難久埋南谿七十三間開得之地下  
竄狐兔捧出座上生雲雷銅爵香姜不足數玉帶水雲乃其  
伍肯草蠟除詔留伴趙孟頫願寫生祭文移贈王炎午石飛  
海立五百年硯兮硯兮爾良苦憶當流落朝天橋早識三日  
無江潮祇爲趙氏一塊肉未入楊家七客寮好事留傳閱兵  
燹黑者險麤碧者蘚鼠肝蟲臂已不惜龍眼犀紋那可辨重  
其人者物可悲一書卻聘生光輝警鶴徒倚簷尹市飢鳳太  
息嚮娥碑嗚呼寶祐初開蓋珠榜放膽文章慨以慷三十功

名石不言淒涼資國蜘蛛網

露坐

彈琴石苔冷月上青桐梢清蟬作秋語宿雨忽已消蕭景豁  
至理況復園林招中宵此棲息庶幾謝塵囂

磨厓碑

南船昔作浯谿遊磨厓碑照浯谿流蓬州書法道州頌一時  
二妙工雕鏤我當厓前拂蒼蘚徘徊不去消煩憂別來七載  
最蕭索夢中猶掉祁陽舟傳觀此木大如席恍遇故物神夷  
猶漁陽鼓聲破新曲關鈴風雨趨金牛馬嵬不發出天意已  
有父老相遮留後軍二千護太子營門雙鯉來修修河西司  
馬首勸進五牋靈武承天庥靖康之變那可道汴州錯認疑  
杭州始知唐祚二百祀兵馬一洗西京收付託得人良有以

遂上尊號古罕儔中興巍巍發高頌乾旋坤轉銷戈矛柰何  
治定未思亂先後氣味如薰猶天寶車轍覆不戒長安碁局  
紛堪愁喪君有君聊足慰以暴易暴誰能瘳飛龍小兒作宰  
相豔妻煽之勢未休摘瓜已聞寢榻諷升屋幾偏齋官謀宦  
官官妾彼何識要使骨肉成仇讎寢門王季望眼絕高將軍  
去蠻荒州不如隴山一鸚鵡能對使者言安不深文疑史兩  
難辨玉棺猶絡銅絲頭此書此頌亘終古谿聲山色清而幽  
句奇語重竄謨典字青石赤盤螭虬但勒豐功紀年月乃有  
微旨叅春秋君臣父子處非易摩挲拓紙心悠悠

雨後曉起寄杉石

夢起青奴一味拋酸然衣袂緒風捎  
舉回山帶猶垂角引取  
杯船欲泛均孤約乍聽堂後竹微吟已破屋邊茅  
舊時尺五



城南路細雨柴門手自敲

三日官街聽鼓遲  
轆轤惆悵閉門時  
秋聲在樹鴉先起  
流水當階鴨未知  
天意終憐晴亦好  
故人相憶鬢成絲  
依然幾量平生屐  
正要微紅蠟火吹

寄稚川

時應東巡  
召試在濟

年年遼海聽西風  
況是唐衢哭最工  
誰識文章三戰北  
忽隨烟霧一竿東  
掉頭忍爲鱸魚去  
帶骨終期駿馬空  
不比長門閒賣賦  
故人早晚薦揚雄

姊丈戴松南

兆藟  
輓詩

落葉不知處  
淒然風雨心  
書來三日惡  
夢去一秋深  
思舊山陽笛  
招魂海上琴  
中年惆悵極  
絲竹竟難尋

暫離猶可惜  
永訣更難持  
遂有傷心語  
應無握手時  
側聞蒿

里曲不辨草堂資後夜山陰雪扁舟何處維

好在清風里因君問水濱俗緣雖爛漫情話蝨酸辛破鏡雙  
飛夜佳城一閉春歸逢女嬃詈相對亦申申

荷鋪黃公壚匆匆失酒徒家藏游俠傳人畫隱居圖化鶴歸  
何日聽鶯興已孤詩成因淚寫不是墨模糊

臥疾呈蕙園先生并謝惠東阿膠

金飈詖蕩排天垠吹我烏帽沾黃塵歸家頭風忽大作始信  
病也吾非貧平生埋頭鑽故紙本以車脚炊勞薪一朝觸彼  
風伯怒漸於床第衾裯親心兵驟起伐駭鼓耳道乍聽摩驚  
輪楚子塩腦夢恍惚邪哥驗脊陰酸辛長安居人大不易一  
錢羞涇空囊嗔尋常酒債尚未了敢爲藥石輸吾緡交關靜  
掩息剝啄心清香妙叅前因故人疎絕今舊雨肥耶瘠耶越

與秦當時失咲孟公句今誦其語始有神昨朝先生蠟雙屐  
啟門絮話勞相詢光風霽月坐亭午盡散陰翳來陽春溫言  
再四有真意絕勝掌檄當年陳須臾忤來惠藥物重之不啻  
圭璧珉側聞造此良不易東阿秋水清且淪井牀雙螯輓轆  
轉修縷上下瓶汲銀敗鼓之皮不足數驪駒在路其色純煎  
熬不知幾晝夜用此補攝狂吟身大夫饋藥士拜受矧在疇  
昔從遊頻未達敢嘗作暝眩豈有叔子能醜人東坡昔愛中  
散語養生一論書諸紳亦知人生各飲啄靈芝甘醴殊非珍  
病間漸覺故態出狂言撒此萎一巡詩成投筆旋自悔柰何  
無病仍吟呻頭顱如許太可咲且復膠口全吾真

病中從薏翁先生乞僕稍愈遣還因有是作

聞道梅花凍不開故教桃李作輿臺王褒僮自能沽酒頽

奴猶解愛才他日讀書曾見慣少日讀書吳下已有此僕經時得劍許相陪分明已乞樵青便不用膏肓二豎來

零落棲遲一病身初三初四轉情親不須刺刺顧婢子且與恩恩作主人五夜相看惟汝在一錢難謝諒吾貧歸家應笑清狂極幾日無臣卻有臣

夜坐聞鐘聲偶成

秋鐘不在寺遠近隨風去微喧谷口泉斜破烟中樹默想參寥禪茆菴在佳處空關延月鏡敗衲落雲絮一聲息萬緣龕香妙方炷清省發中宵不待荒雞曙

重光大淵獻

樓居

三間水上樓樓外一谿流夾岼春開鏡全家屋似舟年年送

歸燕日日見羣鷗作賦如王粲幡然得少留

重過松南草堂感懷

春夢蒼然落釣磯抽簪來歛水邊扉青樽呼月山花咲黃土  
停雲宿草肥邨裏朱陳人兩姓堂前王謝燕雙飛年來此地  
勾留慣折斷楊枝涕滿衣

山邨華屋兩漫漫形影銷磨語未寒孤尙有情能記憶別猶  
無病竟摧殘酒杯不到墳中土詩卷長留海上竿試拜維摩  
搖翠燭愁環宛轉忽無端

魏塘歸舟

春水無深淺潮來夜夜聲臨流動歸思擊楫感平生風柝和  
愁入烟帆挂夢行漸聞漁樵集知近秀州城

短艇破谿碧寒林開曉鴉湖天三面水春雨一城花樓閣梳

頭影帆檣估客家金風亭長去誰解唱銀槎

晚出新勝市東風野色遙烟深初見岸水淺不通潮入港看  
斜日逢人問去槳到家餘幾路再過一條橋

青鎮連烏鎮中間一曲波江湖三郡接蘇嘉湖風雨六朝多我

逐鷗夷去聊爲漁父歌天涯飄泊久奈此綠萍何

語谿送春曲

青春堂堂啼杜宇落花無言戰風雨女陽亭下好烟波愁殺  
紅裙采蘭女采蘭消息春三時東風無力吹遊絲碧紗如烟  
暮雲合無晴有晴君不知此時望遠催歸急雨雨風風春九  
十陌上桑青蠶欲飢烟中樹綠鶯愁濕吳孃一曲是耶非子  
夜瀟瀟白紵衣畢竟人歸歸未得翻教風雨送春歸

夜看瓶中辛夷花有詠

香盞一穗落銀盤瓊樹分明夜夜看乞與軍持散花手春陰  
三日水猶寒

細漏丁冬入夢雲夕熏初換雨花紛若爲化作青鏤去徧寫  
羅虬九錫文

掀髯行贈陳

濬

序璜明經

憶昔別髯錢唐門十年楊柳銷人魂江湖已卷萬馬去惟有  
長鬣今猶存相逢重與掀髯說舊事淒涼唾壺缺三條紅燭  
戰秋風一握青銅鑄春雪世閒白眼君爲誰髯也不受東風  
吹黃金可成河可塞素絲盈盈不堪織紫髯騎馬佐將軍黑  
髯持節稱使臣鬚眉自有丈夫氣身手豈是尋常人髯聞此  
語大鼓掌老夫不作封侯想吟斷黃花五百年故還白髮三  
千丈離離修竹綠霜坡抑塞磊落奇才多李緯真堪尚書耳

郗超奈此參軍何爲髯高歌重太息于思于思得毋蝨但當  
偶爾作詩人慎勿公然婚側室

蘭州水烟篇

蘭州水烟天下無五泉所產尤絕殊居民業此利三倍耕烟  
絕勝耕田夫有時官禁不能止賈舶捆載行江湖鹽官酒胡  
各有稅此獨無吏來催租南人食烟別其品風味乃出淡巴  
菰邇來兼得供賓客千錢爭買青銅壺貯以清水及扶寸有  
聲隱隱相吸呼不知嗜者作何味酸鹹之外雲模糊吁嗟世  
人溺所好靈食無肉此不疎青霞一口吐深夜那知屋底炊  
烟孤且勿呼龍種瑤草轉緣南畝勤春鋤

櫻桃

甘露西涼隔暮雲江南風味始憐君不知紅豆相思苦崖蜜



金匱要略卷之三  
輸來已十分

細寫春愁到玉盤不須更乞蔗漿寒夢回憶得紅珠帳失卻  
青梅一味酸

春蠶曲

小姑飼蠶時中婦有所思今日陌上桑明日機中絲絲絲不  
得織葉葉誰能食風雨過三眠雌雄爭一息東家蝴蝶飛西  
家流鶯啼甯知閉戶好及至上山飢蠶飢尚猶可蠶死愁殺  
我宅婦去何之縣吏來則那

明尚書倪文貞公文集題後

嗚呼公今已不朽安論文章傳與否忽展公集拜公像元氣

淋漓頰我首當年何人序斯集華亭門人

陳臥子

潭浦友齋黃石齋

諸公節概世無雙況有文辭出儕偶端人取友洵必端孟子

之言吾乃取崇禎改元局一變誅殛奄寺若去莠內憂旣平  
外患興闢獻同生事非苟因以饑饉不可支司農發帑空所  
有武臣半起草澤中文者但爭門戶守宰相五十如奕棋延  
儒體仁爾孰某公時侍從充講官植望已曾重山斗詔書忽  
起大司農旋贊兵機似天牖公論東林許狂狷公彈東廠如  
雞狗翩翩自謂鳳可鳴諛諂那禁爨欲噉可憐瓦解而土崩  
乃復有人掣其肘無米難爲婦炊巧有死惟知主恩厚君死  
社稷臣死忠一氣堂堂順以受碧血三年未肯消黃塵十丈  
應誰咎讀公之文見公志放筆長歌爲題後用公卻恨十年  
遲傳公幸有千秋久

兩夜發石門縣四十里至烏鎮見月

黃梅已過雨不休夜雲濕上詩人頭烟波淼淼不知處飛去

一葉沙棠舟叩舷歌嘯三十里裳衣吹薄風颺颺行聽篷背  
雨腳小仰睇六幕青天收蟬聲兩岸吟未絕谿橋野樹相與  
浮推篷看水漲夕綠釣船高出谿中洲潮痕一丈芳草短時  
見螢火隨東流我家柴門正臨水沙際一白眠羣鷗舫聲到  
門忽驚起飛上百尺清涼樓家人夢醒延我入青鐙開出雙  
扉秋相從吹笛話舊雨殘月卻挂西南鉤

讀史一首奉懷慧翁先生竝送出宰青海

班超擊疏勒陶潛辭栗里骨相萬戶侯腰圍五斗米素志雖  
不同亮節無與比公等誠錄錄吏隱聊爾爾秦關百二重黃  
河走其裏出縮銅虎符風雲送山水寧知拔劍雄已殊捧檄  
喜東山著屐人但爲蒼生起

送唐符川明經之西甯

楊柳關山月吹簫遠送行誰傳新樂府直到古長城情話思  
親戚離愁數驛程素書如可託莫忘雁南征

出門先一咲西向是長安桃葉春前渡

符川攜  
姬同去

梅花雪後看

感君行李意老我繫袍歎去貰旗亭酒休歌行路難

### 青鎮石佛寺作

四百八十寺樓臺烟雨殘聞香尋古剎得水供伊蘭地僻來  
人少秋空落木寒蒼然鐘磬響踏閣上方看

試問西來意空堂石氣青乍逢開口咲相與點頭聽面壁苔  
封字心齋柿寫經諸天如讚歎應補梵王星

山骨何年鑿山門自此開長留一片石小劫六朝灰貝葉青  
瑤局蓮花白玉臺三生誰作記不信是飛來

雙谿西去路烟水澹容舫不作米顛拜聊爲蘇晉逃老僧閒

煮茗晚節近題儻肯負重來約寒鴉數點高

石門黃葉邨莊

石磴蕭蕭草漸稀  
並垣環水出雙扉  
兩家風雨仍黃葉  
一笛樓臺記紫衣  
但問主人猶有竹  
欲招隱士已無薇  
舊時絲管桃花路  
曾許春鶯自在飛

銀牀

花落江南昨日鶯  
銀牀無恙卷秋聲  
夢纔半夜風吹樹  
詩到重陽雨近城  
定有蝶飛紅不埽  
那堪蟬咽碧無情  
呼鐙自寫歐陽賦  
童子垂頭蟋蟀鳴

唐孟蕃秀才

晉錫

寄示傲柏梁體百韻石鼓詩題後

當年十碣蒐岐陽  
好事還傳到鳳翔  
一自花綱遷艮岳  
幾隨鼙鼓破霓裳  
樹猶如此堪流涕  
石不能言祇斷腸  
便欲手摹

三百本青山一髮是陳倉

橋門觀聽夢三年無那鄉心託杜鵑春雪曾歌郢人山

余昔用韓

韻作石

鼓歌夜虹初貫米家船侍臣誰似相如渴老子先知阿買

賢會向黃金臺畔去醉吟古意酒壚邊

孟蕃又寄示燕臺十詠

說蟹三十韻

十月湖蟹雄風味出葭菼谿莊黃竹圍野舸青鐙點霜落烟  
濛濛波開泥黹黹初聞螿螂拒既似蚍蜉撼已爲蠶作筐漸  
悔魚入罟蹒跚獨行橫紛紜眾聲噴出淤品自高貫索視猶  
耽釣家攜以供酒客咲而領遂授庖丁解未畏監州貶且生  
左手持亦動食指染堆盤紅琳琅侑酒綠瀉漱華池醯可乞  
陽樸薑可糝噬齊甯未能筴舌偶不檢名釋劉熙胥圖分呂  
亢覽豈惟河豚愁坐使鱸魚減微腥惜齒芬大嚼流口澆雙

鉗或朶頤一斗乃習坎將軍口腹需長卿面目慘伊誰議蚶  
蠣直似載獺獫狁別雌雄肥瘠驗豐歉郭索方冥冥饕餮  
正嘍嘍旋驚左股夷忽遣內黃斂妍雪淨空罪拾月蕩滌澗  
擁劒客渡江挂壁鬼驚陝投膠會有期調羹幸無忝鬪虎公  
其休鏤鳳吾豈敢或封醉鄉侯仍寵椒房儼琴聲旣已幽茶  
眼相與澹惱亂公子腸搜索詩人膽因續蟹春秋刻燭韻方  
險

觀陳髯所藏馬遠畫紅葉

夜間落木催鳴鐘玉塵一拂清樽空蕭晨讀畫出黃絹邀我  
雙耳聽兩風不知青女降何處霜根欹倒疎玲瓏迴颺忽作  
折腰舞却憶春柳靈和宮畫師寄興在秋晚此態得自無人  
工遠寫秋聲補秋色野烟一角斜陽紅一僮綠綺抱而侍一

客紅女攜相從我雖不識客與僮要非烟火塵凡容醉眠天  
暮枕石峰酒顏霜樹相爲濃江南黃葉到處有吾儕徑欲扁  
舟東爲君婆娑賦枯樹卷圖夢冷吳江楓

踏雪尋梅圖爲陳髯題

四山欲雪天茫茫不聞流水聞花香是花是雪不可辨要使  
山水寒生光伊誰獨立無與偶雪滿衣裳花在手梅花與雪  
無處無此客分明不常有細觀卻是髯也陳衝寒一咲蒼顏  
溫年來不作閉門態飄然戲弄空山春我初識髯髯未白圖  
中之髯尚如昔十年冰雪重題詩髯與梅花鬪顏色人生不  
作趙師雄美人翠羽來夢中猶當去作孟浩然破帽冷壓梅  
花顛君不見桃李春風一杯酒爭似紅衣釣竿手又不見關  
山明月萬戶侯不如鶴警逍遙游卷狂歌回俗態畫師老去



金華詩人在相逢愁外舊山青萬點梅花打驢背余有驢子背上圖

記夢一首并示陳鞞

落月直入詩人牀梅花帳薄不敢當未愁布被冷如鐵但覺  
燦燦寒生光平生好夢不知數夢中記夢醒卻忘羅浮萬樹  
棲翠羽邯鄲一枕炊黃粱雲窗霧閣本無著况復遮眼春茫  
茫會遺雄雞報風月遠聽膈膈東西相亦知人間各有夢四  
鄰鼻息如宮商從君更乞混沌譜老我安用溫柔鄉

讀孟郊集

蕭條孟東野當日少人知悵望千秋淚橫陳一卷詩寒山歸  
客夢春雨落花期作序送君者惟應韓退之

聞築軒已渡揚子

秋色河梁並扁舟手共攜長因送人處記在語兒翁聞道來

江北經時到浙西官梅動詩興揅與醉如泥

與友人夜談雲栖之勝

夙與白鷗約風流水石間幾年逐塵土一夕話湖山那竟尋  
幽侶相將出近關言探修竹徑肯掉酒船還

煎茶

茶烟颺清夜風味澹相親乍掃牆陰雪仍收澗底薪香鎧花  
在霧古鼎石無塵卻笑文園渴當壚但酒人

寄懷王大松巖

好在南湖月三年照畫橈遙知故人岸相對落花橋魚尾通  
流水船唇叩洞簫因君詵楊柳還有舊時條

題龔半帆之鑰出塞錄

白馬長城窟黃龍古戰場春風三萬里吹夢過遼陽慷慨陳

琳檄艱難陸賈裝輸他雙海燕棲向鬱金堂

山海一鑑青茫茫照客星請歌前後塞卻望短長亭劍氣橫  
秋老笳聲倚酒醒燕支山下路歷歷寫曾經

胡石齋丈

炯

許以先祖檢討公手錄詩本見還作詩呈

謝

賜書三萬卷恨不十年讀佚宕風塵中淒然亂心曲堂堂金  
閨彥風流渺難續況復書畫船飄零出海岳側聞得楚弓言  
許完趙玉手澤感苗裔心期仰親屬短歌不能長凝睇南雲  
綠

石齋丈既見寄先檢討手澤復用拙韻作三詩以示因  
再如數疊韻爲謝

焚香認封題未發已思讀中有代書詩恩愍達衷曲何殊陽

關疊却向離騷續想當落筆卅方寸起五岳矧乃還浦珠絕  
勝侑璫玉前修悵可懷後死當誰屬執卷雙滂沱名山何處  
緣

祖德既可述父書敢云讀何當長者情宵和巴人曲振觸三  
年中使我腸斷續曾騎古驪駒直上魯東岳九月秋風哀一  
身不佩玉歸來北堂高慈雲藹相屬惟應寸草心長傍金護  
緣

新詩多古意不厭百回讀寄響何蕭條言懷復委曲東南鷗  
鴟飛情話不可續夜笛怨向秀朝絲見潘岳靈光獨巋然爾  
音亦金玉几杖倘許搽文章應有屬相期掉酒船春水明年  
緣

雜興六首

讀書愛古人秋聲出蒨屋雖非卽記憶猶賢未嘗讀儒生覓  
封侯骨相苦不足置我圖史閒聊以嬾幽獨長嗟里巷兒酒  
食愛徵逐緘口如金人行尸而走肉來者旣難誣去日恆苦  
速韋編可三絕抑詩亦三復服田功惟勤釀酒味在熟蠹魚  
作神仙三食豈枵腹右溫經

冥搜韓陵石豪奪蘭亭壘觀裘惜片羽嘗鼎爭一嚮筆硯旣  
精良几窗復清淺春蚓而秋蛇相對微有覩緬惟雨粟時創  
造各有典方言音已殊帖體義多舛鍾王盛行草古法絕籀  
篆詩成張吾軍八分日趨變筆諫誠未能書備僅可免一勺  
墨池波邈然得所遺右臨池

作詩如用兵虛實極其致末學誠茫茫始願恆惴惴或以一  
句奇難割終篇累或以一時訛遂襲千古僞流水必有原登

山每自地敢云窮則工漸覺陳可棄美惡無定形甘苦有獨  
嗜別才吾不憑佳句儒爲戲魔入滄浪話妖載瓠蘆志僞體  
紛莫裁好音竟誰嗣

右論詩

斷獄推老吏著書愛奇才史遷閉蠶室班固除蘭臺榮辱恃  
文字典替浩塵灰一人微言絕四座清談開指揮塵生風聚  
訟蟲成雷上下三千年一一咸羅賅箚知巨眼冷能使雄心  
摧尚論苦無當竊取誠多材治亦未可喜亂亦不足哀且須  
食蛤蚶爽氣西山來

右詠史

白絹出鸞谿良工苦描繪山川起方寸南北別宗派局縮一  
室中不知區宇大借茲筆墨靈畢我昏嫁累掩卷若舊遊披  
圖當良會展齒折無須寒具屏宜最古人成一家傳否竟難  
賴漆鐙殉癡人錢刀射市僧讀畫勝作畫無心任玩愒譬如

觀弈棋置身乃局外

右讀畫

紅豆隔簾衣中有綺語硯含宮復咀商一顧笑卻扇春意尚  
書鬧秋別屯田怨金船圍房絲玉版題黃絹惜無護花龍去  
作銜泥燕織錦長相思催砧獨不見詞壇酒未空樂府聲傳  
徧小道雖可觀靡音訝忘倦何當唱江東浪白天三面亂撥  
銅琵琶鶯珠不成串

右填詞

### 象生花

翦絲作花花欲語女紅疑是司花女有時蘭葉餌青蟲或愛  
梅花棲翠羽花能相對葉相當宛然春色偷東皇定知有夢  
迷蝴蝶不爲無香恨海棠誰家著劍牽衫早箇鏡相宜倚花  
掃水精簾卷十分妝翡翠簪斜一枝好吳儂作事殊等閒不  
獨時花棄兩鬟都將舊曲翻新曲拋卻真山看假山那知相

率趨爲僞金錯錢刀買憔悴一叢花當十戶賦幾朶雲收數  
鄉稅可憐名字滿頭花花開花落委泥沙若爲拈向靈山會  
且莫攜來吏部家形史拾遺明崇禎時田貴如宮婢戴新樣  
花他宮無有帝遣中官出採買越數百里  
不能得乃以問她如曰此象生花也出嘉  
興有吳吏部家人攜來京師而妾家買之

憶弊居庭西綠萼梅一株曾作花未寄詩詆之

松關詰曲傍谿開中有梅花綠似苔昨夢忽隨流水遠春愁  
已向隔年催卻從此地無端別還記當時若箇栽漫道仙人  
無處所肯留一月好重來

經年花事渺江湖牆角東風一笑疎驛使便教題陸凱山妻  
終是怨林逋燕迷舊壘春來去鴉暗前邨雪有無稍喜不輸  
蒼翠稅自吹橫笛唱催租

黃梅花詩



何處初逢細撿花曲廊迴合亞欄斜宮妝一抹能相似愁殺  
紅綃與綠華

昨夜金波看月明今朝山色夕陽晴紅闌少婦釵梁上記取  
黃香是小名

雪徑風亭底撥寒懷人千里思漫漫定知陸凱江南使封寄  
梅花是蠟丸

黃面參禪事可知拈花太早散花遲一年一度羅浮夢又是  
橫陳嚼蠟時

曩爲疊韻詩寄胡石翁附陳韞家書中以達遲日石翁  
書來知前詩已浮湛夜航韞有西洋錢一枚侑函者亦  
隨僕詩俱去矣今韞還家祀竈乃備錄前詩及札央渠  
轉致石翁弁自題三絕句於後不欲使船家者流竟爲

魏公藏拙也臘月二十二日微雪石門縣齋書

青錦香囊手自拏三朝三暮夜行船中流定有蛟龍得詩價  
分明直一錢

重題翠鱉未嫌遲歸及黃牟祀竈時卻似草堂人日後今年  
人見去年詩

問訛東橋埽北臺雪花明處墨仍催者回不是洪喬篋親見  
陳琳記室來

自送詩

自送詩者舒子課甥石門時作歲晚客去舒子最後  
無人贈行遂自爲也并戲示築軒

我來如前塵東郊迎喜神我去如後勁東厨醉司命歲聿云  
莫愁一束我欲不愁愁不欲况復淹留感時物腸斷歸風送

遠曲此時有客盡皆歸此際有書不能讀寒犬如豹宵荷荷  
鳴雞非蠅且穀穀主人似憐客無家邀我西堂夜深宿豈知  
風雨杜陵人想到三間破茆屋

曩余侍伯父於京師聞先君子之變踰躑南奔其明年  
慈親自嶺外來浙因先君子旅櫬未歸遂僦棧舫戍余  
兄弟兩人侍焉今年兄則從師碾伯弟則課甥石門家  
貧親老奔走衣食歲暮歸舟愴然有作并寄呈伯父及  
兄云

不信涼秋九月時雲山風樹忍回思歸憐白鶴飛華表到及  
黃羊祀髻司丙舍難尋三畝老楹書悔讀十年遲傷心東郡  
趨庭日應遣門生廢杜詩

慈雲無恙答春和雙鬢微窺半欲僝人到還家貧亦好母皆

愛子老尤多十年絕國梅花瘴一曲高堂護草歌咫尺梧桐鄉裏路相望不隔禦兒波

畫師詞客舊神仙收取聲名四十年老去馮唐猶執戟書來陶令想歸田平泉花木無常主京洛風塵未了緣阿買近來粗識字每依北斗寫紅箋

東府寒鐙別子由未行先問致書郵登樓草長三更夢陟屺雲遮萬里愁一樣依人比我遠半生知己爲師酬玉關楊柳青如眼不見居鄉馬少游

蘇東坡詩集卷三終